

Илтимос, бу воқеага ҳечам ишонманг.

(Ўқиғувчи.)

Дунёда исми жисмига монанд келмайдиган одамлар кўп. Шулардан бири - Йўгонбой. Отаси раҳматли унга нима мақсадда шундай исм берганини ўзи ҳам билмасди. Бўрининг ёнида яшаган кўйни тасаввур қилинг-у Йўгонбойни кўз олдингизга келтиравинг. Ковургаларини бемалол санаш мумкин, дея олмаймиз, чунки бунинг учун у бояқишни ечинтириб кўриш керак. Хотинини бўрига қиёслай олмаймиз, чунки бояқиш Мардонани кўрган бўри ҳам қасб-қорини ўзгартириб юбориши ҳеч гап эмас. Йўгонбой шу хотинга уйланиб, кейин озиб кетган, ҳам дея олмаймиз. Чунки тугилганидан бери унинг семириб юрганини биров тушида ҳам кўрмаган. Ажиб томони шундаки, эр ҳам, хотин ҳам ўзини “пешонаси шўр” деб аталмиш жабрдийда тоифадан деб билади. Қайси бирларининг пешонаси шўррок эканини аниқлаб бера олувчи тарози бўлганида эди, биз бу масалага аниқлик киритиб, айтадиганимизни мухтасар қилиб кўя қолардик.

Бир куни Мардона эрининг маошини қоклагандан кейин “яна беркитиб қолгани бордир”, деган фикрда у ер-бу ерини пайпаслаб кўраётган эди, Йўгонбойнинг хўрлиги қелиб, ундан:

-Сен менга нечанчи йилда тегиб эдинг, ёдингдами?-деб сўради.

-Саксон еттинчи йилда, нега суриштириб қолдингиз?-деди Мардона ажабланиб.

-Сендан биттагина илтимосим бор, хотинхўжа, йўқ демайсан. Икки минг ўнинчи йилда кетаманми бу дунёдан ё йигирманчи йилдами, Худо билади. Вақтики қелиб вафот этсам, гўримга тош қўйгудай бўлсанг, ўлган йилимни ёздирма. “Шу шўрпешона олтиш тўртинчи йилда тугилиб, саксон еттинчи йилга қадар одамга ўхшаб яшаган”, деб қўявер,-деди Йўгонбой.

Бу гап юракдан айтилганига қараганда Йўгонбойнинг дардига шерик бўлсак арзийди. Агар “хотиндан қуйганлар жамияти” тузилгудай бўлса, унга Йўгонбойнинг раислик қилиши шубҳасиз, деб ўйлаётгандирсиз. Бизда ҳам шундай ўй бор эди, аммо унинг тақдири сал бошқачарок ҳал этилди.

Кеча Йўгонбойнинг маош олгани эсида. Икки улфати билан битта “ок бола”ни “ағдармокчи” бўлгани ҳам ёдида. Бугун кун ёйилганда уйғонди-ю нечта “ок бола”ни юмалатиб, кейин ўзи ағдарилганини эсламокчи бўлиб, шифтга тикилганича ётаверди. Аслида нечта “ок бола” шисани қуритганини аниқ қилиши шарт эмас. Унинг ташвиши бошқа: маошини уйғача етказиб олиб қелдимиз, ё уйга қурук чўнтақ билан ташлаб қетишдимиз?

Хотини индамаяпти. Демак, иккидан бири – ё кеча маош олганидан беҳабар, ё чўнтақдаги пулни олиб, қўнгли тинчиган.

Йўгонбой иккинчи тўхтама қелиб, бир оз хотиржамлик билан ўрнидан туриб ювинди. Нонушта сўраса, балога қилишини қилиб, қўчага отланди. Эрининг ҳаракатларини жимгина қузатаётган Мардона ана шундан кейингина тилга қирди:

-Ҳа, йўл бўлсин?-деди у.

-Маҳаллада мажлис бор экан,-деди Йўгонбой.

-Қачондан бери мажлисга чиқадиган бўлиб қолдингиз?

-Кеча оқсоқол қаттиқ тайинловди.

-Шунақами? Мен қирларимни ювиб олай, мажлисни икковимиз уйда қила қоламиз.

Қимирламай ўтиринг, бир қадам ҳам қилмайсиз.

-Бу гапинг ҳам маъқул, мажлисга тоқатим йўқ. Майли, қикиб, сигарет олиб қелай.

-Бугун ҳеч қаякка қикмайсиз, дедим-а? Ичмайсиз ҳам, қекмайсиз ҳам,-Мардона эрининг

билагидан ушлаб, худди болага ўхшатиб етаклади-да, диванга ўткизиб, газета узатди.
-Мени кийнама, хотинхўжа,-деб ялинди Йўгонбой,- газет ўкисам, миям суюлиб кетади.
-Вой савил, агар сизда мия колган бўлса, аллақачон арокдан суюлиб кетгандир. Ўтиринг,
ўкинг!

Йўгонбой рўпарасида хозир катта генерал турса, гапини икки қилиши мумкин эди-ю,
бирок Мардонага карши сўз айтолмади. Мардона нари кетди. Йўгонбой иштонини
бўктирган боладай жойида жимгина колди. “Бу хотинхўжа эмас, бу – хархашахўжа!”
деб кўйишдан ўзга чораси йўк эди. Уй камогига банди этилган Йўгонбой хўрлик
азобидан “уф” тортиб юборди. Чора излаб, атрофига олазарак бокди. Уйи иккинчими ё
учинчими каватда бўлганда деразадан ташлаб кочарди-я! Хотини уйни атайин
тўққизинчи каватдан олган. Йўгонбой ёнбошлади-да, хотинининг буйругига кўра ўқиши
лозим бўлган газетни бошига ёпди...

Канча вақт шу ахволда ётганини билмайди. Бир маҳал эшик кўнгируги чалинди-ю
“улфатларим чакириб келишгандир” деган умид билан бошини кўтарди. Хотинининг
дугонаси Арбобхонимни кўриб, яна афсус ва ўкинч билан “уфф” тортиб кўйди.

Арбобхоним дугонасини ўпиб кўришгач:

-Эринг уйдами?-деб сўради.

Унинг бу саволи Йўгонбойни ҳам, Мардонани ҳам ажаблантирди.

-Эримни нима килмокчисан?-деб сўради Мардона.

-Эрингни икки соатга бериб тур.

Бу илтимос янада ажабланарли бўлди.

-Эримни нима киласан, ўзингни кани?

-Ўзимники улфатлари билан ошхўрликка кетган. Кейин... бугунги ишга менинг эрим
ярамайди.

Бу гапдан кейин хавотир ҳам уйгонди.

-Бировнинг эрини омонатга оладиган одатинг йўк эди-ку?-деди Мардона зардали
охангда.

-Бугун муҳим мажлис бор. Эринг менга кўрғазмали курол сифатида зарур. Кўркма, бу
тавиянгни шкаладдай ўраб олиб, шкаладдай кўлингга топшираман.

-Унақада майли, олиб кетавер, ана ётибди, огзига пашша кўндириб.

-Хохласанг, ўзингни ҳам олиб кетай. Мана, сенга ҳам таклифнома олиб келганман.

Мардона таклифномани истамайгина олиб, кўз югуртирди. Кейин овоз чиқариб ўкиди:

-“Сизни “Эркакларни авайлаш жамияти” тузилиши муносабати билан ўтказиладиган
таъсис мажлисига таклиф этамиз”...-Мардона ажабланиб, дугонасига қараб кўйди-да,
таклифномани учинчи марта ўкиди:-Эсларинг жойидами?

-Эсимиз жойида. Сеники жойидамас. Менинг эрим қаерда? Маишатда! Сенинг
эринг-чи? Сен ва сендақаларда инсоф йўк! Бўпти, оркамиздан етиб бор,-Арбобхоним
шундай деб Йўгонбойга юзланди: - Ака, тура қолинг, кетдик, сизга озодлик тегиб колди.
Йўгонбой вазифаси нимадан иборат эканини билмас-да, Арбобхондан миннатдор
бўлиб, унга эргашди. Маҳалла чойхонаси яқинидан ўтаётганларида шайтон васваса
килиб “шу хотинни чалгитиб, қочиб қолсанг – марра сеники”, деди-ю, бирок,
чалгитишнинг йўлини кўрсатмади. “Эшак қимники – минганники”, деганларидай, айни
дамда Йўгонбой Арбобхонники эди.

Улар алламбало бир саройга етиб келдилар. Осиб ташланган турли шиорларни ўқиб
Йўгонбойнинг юраги хапқириб кетди: “Эркаклар – бойлигимиз, кўз қорачигидай
асрайлик!”, “Эркакни хорлаган, хор бўлсин!”, “Хар бир эркакни хар қуни бир шиша текин

конъяк билан таъминлашга эришайлик!”, “Чойхонада хар куни ошхўрлик килмаган эркак – эркак эмас!” Шiorларни ўкиб, Йўгонбой чидолмади – йиглаб юборди. “Бу дунёда аклли одамлар хам бор экан-ку!” деди у хўнграб. Арбобхон уни овутиб, ичкари бошлади. Во ажаб, саройга мингларча одам тўпланган. Энг ажойиби – биронта эркак зотидан йўк, хаммаси аёл! Бунакаси хали тарихда бўлмаган. “Киркта товукка эгаман”, деб керилувчи хўроз нафасини юта колса хам бўларкан. Чунки бу ерда мингта хотинга биттагина Йўгонбой!

Мажлис бошланиб, хотинлар бирин-сирин минбарга чикиб сўзлай бердилар. Йўгонбой уларнинг нутқларини йиглаганича эшитаверди. “Дам олиш кунлари эрларини уй камогига хукм килган хотинларнинг сочларини биттадан юлиш керак”, деган таклиф айтилганда хаммага кўшилиб, чунон карсак урди-ки, бармоклари ёрилиб, кон сачраб кетди.

Нихоят Арбобхонимга сўз навбати етгач, Йўгонбойни сахнага етаклаб чикди.

Эркакларнинг улуг зот эканини таъкидлаб, сўнг муддаога ўтди:

-Ана шунака, мухтарама хонимлар, ўртоқ хотинлар. “Эркакларни авайлаш жамияти”ни тузиш кўнгиллар талаби бўлиб турибди. Гапим курук бўлмасин учун кўрғазмали курол ёрдамида фикримни исбот килишга ўтаман. Сиз кўриб турганингиз, агар фахмлаган бўлсангиз, тирик эркак хисобланади. Уни анатомик жихатдан тахлил килиш бизнинг вазифамизга кирмайди. Биз “эркак” номи билан аталувчи бу тирик жоннинг хак-хукуклари кай даражада бузилаётгани билан кизикиб кўрамыз. Бу одам тугилганида отаси яхши ният билан “Йўгонбой” деб исм кўйган. Ана энди ўзингиз караб айтинг: бу одамнинг нимаси Йўгонбой? Нега шундай бўлди? Бундака Йўгонбой биттагинами? Ўртоқ хотинлар, кўзларимизни очайлик! Эътиборсизлигимиз, эркакларга нисбатан шафкатсизларча муносабатимиз туфайли йўгонбойларимиз килтирикжонларга айланиб кетишмоқда. Ана энди ижозатларингиз билан кўрғазмали куролдан битта-иккита гап сўраб олсам:

-Йўгонбой ака, сиз чекасизми?

-Ха, оз-оз.

-Оз-оз, деганингиз нимаси, аник айтинг, кунига неча дона чекасиз?

-Кунигами...-Йўгонбой “тўгрисини айтаверсаммикин”, деб иккиланди. Сўнг дангалига кўчиб кўя колди:- энди... дугонангиз кунига йигрма дона деб катъий белгилаб кўйганлар. Лекин... текини учраб колса, ўттизтами, кирктами, фарки йўк уриб ташлайверамиз. Нос учраб колса, у хам кетаверади. Энди... бу ёгини ўзингиз хисоблаб олаверасиз.

-Ана, эшитинг, ўртоқ хотинлар!-деди Арбобхон хитоб билан.-Кўрғазмали куrolимиз одоб доирасидан чикмай “белгилаб кўйганлар”, деб айтяптилар. Аслида эса неча марта чекиш ноинсоф ва виждонсиз хотин томонидан чеклаб кўйилган ва бу билан эркакнинг эркаклик хукуки кўпол равишда бузилган. Кунига кирк ва ундан кўпрок сигарет чека олувчи эркак бизнинг бойлигимиз эмасми? Айрим хотинларга бу бойликни оёк ости килиш хукукини ким берган? Хўш, бундай бечора эркаклар дардларини кимга айтсинлар? Бугун биз ташкил этаётган “Эркакларни авайлаш жамияти” шу долзарб масалани хал килиши керак.

Арбобхон гапини тугатмай, раёсатда ўтирган чиройлигина жувон унга мурожаат килди:

-Кўрғазмали куролга саволим бор эди.

Чиройли жувоннинг овози шунаканги ёкимли экан-ки, Йўгонбойда “Шу саволини кулогимга шивирлаб айтсайди”, деган ширин орзу уйгонди. Лекин бу ер орзу амалга

ошадиган жой эмасди, шу боис савол микрофон оркали янгради:

-Айтинг-чи, Югонбой ака, сиз ичасизми?

Бошка биров исмини шунака бузиб айтса, Йўгонбойнинг аччиги чиккан бўларди. Лекин хозир чиройли жувоннинг “Югонбой” дейиши жуда-жуда ширин эшитилиб, ичида “тилингга шакар”, деб ҳам кўйди. Саволдан мақсадни англаб турса ҳам, ўзини гўлликка солиб сўради:

-Чойми?

- Йў-ўк, алкогольни айтяпман.

-Ха. энди, эл катори...

-Купрок кай биридан ичасиз, окиданми ёки кизилиданми?

-Танлаган - номард! Борига барака!

-Яна битта допони савол: юрасизми?

-Ие, ана, юриб келдим-ку? Арбобхоним кўтарганлари йўк. Хотинхўжа бир нарса десалар, югуриб ҳам қоламиз.

-Мен пешком юришни эмас. хотинларга юришни ойтман. Бошка хотинларга юрасизми?

-Энди... эркакчилик... эл каторида.

-Масалан, сразу ништаси билан юрасиз?

-Саволингиз кизик бўлди-ку? Бу саналадиган нарсамас-ку? Учрашига карабда...

-Масалан, в данный момент ништа юрадиганини бор?

-Хозирми... хозир биттаям йўк. Очиги... илгари ҳам бўлмаган.

-Нига?

-Негалигини Арбобхондан сўранг. Хотинхўжа хабар топиб қолса, шўрим қурийди-да.

Шу ерга келганда гапни яна Арбобхон илиб кетди:

-Ана, ўртоқ хотинлар, менга худди шу жавоб керак эди! Кўргазмали курулга нисбатан фак-кат ҳуқуқ бузилмаган. Балки зулм ҳам қилинган. Агар кўргазмали курулни патонимик жихатдан ўрганадиган бўлсак, унинг бош миясидаги таламус ва гипоталамус қисмларида синдромик ўзгаришлар бошланган бўлиши керак. Яъни унга зулм давом этаверадиган бўлса, яқин орада хотинларни кўрганида боши айланиши, ўқчиши ва қайт қилиш ҳоллари қузатилиши мумкин. Ва ниҳоят, саксон ёшларга борганида, ҳатто эркаклик хусусиятларини йўқотиб боришлари ҳам практикада қузатилган. Хўп, энди табиий савол тугилади: эркакларимизни шу ҳолга тушириб қўйишимиз инсофданми? Чекмайдиган, ичмайдиган, юрмайдиган эркакни эркак дейишга тилимиз ҳам бормади. Агар эркак шунака бўлса, у уйланиши эмас, эрга тегиши керак экан, шундай эмасми? Хар бир онгли оилага ўзимиз ўрнак бўлишимиз керак. Шахсан мен ўзим эржонимга хар қуни уч қутидан сигерат олиб берман. Иккитасини ўзингиз чекинг, биттасини ошналарингиз билан бахам кўринг, дейман. Хар қуни бир шиша арок, бир шиша конъяк олиб келиб қўяман. Эркакнинг қўнгли ўзгарувчан бўлади, бугун оқини тусаса, эртага кизилини хохлаб қолади. Хафтада уч марта чойхонадаги маишатлари учун қўшимча маблаг ажратаман. Чойхонадан қайтиб келишларида қутиб олиш учун болалардан навбатчи тайинлаб қўйганман. Хар ҳолда йикилиб қолсалар, ёки бегоналар суяб қелса, оиламиз шаънига иснод бўлади-да! Хотинлар масаласини ҳам онгли равишда ўзим хал қилиб берганман. Фаррошимиз бабка Шура менинг эримни хомийликка олганлар. Бабка Шурани мен ўзим хар томонлама текшириб кўрганман. У минг тўққиз юз қирк тўққизинчи йилдан бери партия аъзоси бўлган. Эри қирк иккинчи йилда урушда ҳалок бўлганидан бери бошка эр қилмаган. Ана шунака, хар бир онгли аёл ўзи бош бўлиб, эрига ишончи ҳуштор топиб бериши керак.

-Менда битта таклиф бор,-деди раёсатда ўтирган чиройли аёл хаяжонланиб.-Янги жамиятимизда малака ошириш курсларини очсак-да, Арбобхонимни бу курсларга мудира килиб тайинласак. Токи онгсиз хотинлар келиб, бу мухтарама олимамиздан ақл ўрганиб кетсинлар.

Бу таклиф Йўгонбойга ёкиб тушиб, чапак чалди-да, кўшимча килди:

-Биринчи бўлиб шу ўкишингизга менинг хотинхўжамни ёзиб кўйинглар. Аммо бурнини ерга ишкаб ўкитасизларда.

Йўгонбой шундай дейиши билан хотини пайдо бўлиб колсами?

-Вой савил, бир камингиз хотинларнинг мажлисида ўтириш эди, энди тўла-тўкис ахмок бўлибсиз,-деди Мардона.

Йўгонбойнинг ўтакаси ёрилишига сал колувди, раёсатда ўтирган чиройли жувон жонига оро кирди:

-Билишимча, сиз кўрғазмали куролимизнинг хотинлари экансиз? Уялмайсизми, хоним?

-Нимадан уялай?-деб бўш келмади Мардона.

-Шундай жонон йигитни харобгина килиб кўйибсиз-ку? Хукукини пойиол килиб ташлабсиз-ку! Сиздай хотинга чидаб юргани учун бу эркакка хар хафтада биттадан орден бериш керак.

Бу гап зўр бўлди-ю, бироқ Мардона деганига таъсир этмади. Икки кўлини белига тираб, чиройли жувонга тик бокиб деди:

-Шунаками? Бу одамга чидаб келаётганим учун менга хар соатда биттадан орден беришингиз керак.

Орани очик килиш учун Йўгонбой гапга аралашди:

-Майли синглим, орденни шу опангизга бера колинг,-деди у чиройли жувонга караб,-орденини ювиш бахонасида бизнинг кўкракка хам офтоб тегиб колар.

Жувон чиройли бўлгани билан кайсар экан, Йўгонбойнинг ялинишига кулок солмай Мардонага караб жиддий тарзда буюрди:

-Сиз, опажон, ана у бурчакка туринг. Биз сиздай хотинга замондош бўлганимиздан орланамиз. Билиб кўйинг, бугундан бошлаб хаммамиз учун ардокли акамизни чекишдан чекламайсиз. Ишдан келишларига битта окидан, битта беш юлдузлигидан олиб келиб кўясиз. Ўзингиз бош бўлиб, устингизга битта норасмий кундош олиб берасиз.

Йўгонбой бу талаблардан кувонса-да, кўнгли тўлмай, чиройли жувондан яна илтимос килди:

-Жон синглим, окидан иккита бўлсин, деб кўяверинг, Сотволди чикиб колса, битта камлик килади.

Хайрият, бу илтимос жавобсиз колмади:

-Бу масалада изохимиз бор: агар уйда бир ўзлари бўлса, окидан битта, улфатлари келса шуларга караб иккита, учта ёки тўртта олиб кўйишингиз шарт. Ва яна бу акамиз уй ишларидан мутлако озод этилишлари зарур.

Бу талабни эшитган Мардона додлаб юборишдан ўзини тутиб:

-Вой, шу одам уй ишга карашарканми?- деб хитоб килди.

-Карашмайсизми?-деб сўради чиройли жувон Йўгонбойдан.

-Нега карашмас эканман? Нон олиб келаман, ахлат ташлайман... Тугишдан бошка хамма айтган ишларини койиллатиб ташлайман.

-Хали шунаками! Хали сизни деб мен бу тавияларнинг олдида шарманда бўлишим керакми! Кани, юринг-чи. олдимга тушинг-чи!-Мардона шундай деб Йўгонбойни чимчилай кетди.

-Жон хотинхўжа, бу ерда жанжал килма, булар жамият тузишяпти, сениям ўкитишаркан,-демокчи бўлган Йўгонбойнинг негадир овози чикмади. Хотини бикинидан чимчилаган эди, жон аччигида бакириб юборди ва... кўзларини очди.

Хозиргина хотини мажлисда чимчилаятувди... бу ер ўз уйи... диванда ётибди, бошига ёпган газета тушиб кетибди.

-Туринг, туринг-е!-деди Мардона энди уни силтаб,- ахлат мошина келди, ташлаб келинг. Хали уйкуси яхши очилмаган Йўгонбой хотинига ажабланиб каради:

-Бекор айтибсан, ўзинг ташлайвер. Мен уй ишларидан озод килинганман. Ишонмасанг ўртогинг Арбобхондан сўра.

-Нима бало, кечаги халиям таркамади-ми? Кани, туринг-чи!

Йўгонбой хозиргина кўргани туш эканидан ачинмади. Хар холда тушида бўлса ҳам яхшиликни кўрди. “Эркакнинг туши ўнгидан келади”, дейдилар, бу тушда ҳам бир хикмат бордир.

Йўгонбой ахлатни ташлагани чикиб, аввал Сотволдини кейин Умматали, Йигиталини учратди. Элакка чиккан хотиннинг эллик огиз гапи бўлганда ахлат ташлагани чиккан эркаклар жимгина кетаверарканларми? Хуллас, бир челак ахлатни кўтариб чиккан Йўгонбой уйга Мардонанинг хисоби бўйича тўрт соату ўн саккиз дакикадан кейин кайтди. Лекин эс-хуши жойида эди. Ўклов кўтарган хотинидан чўчимайди, дангал шундай деди:

-Мен озод эркакман, билиб кўй! Мени химоя киладиганлар бор, билиб кўй! Сен бурчакка тур, эркакларнинг хукукини поймол килганинг учун жавоб берасан!

Ўша куни Мардона кўтарган ўклов синганмиш. Нима учунлигини ҳеч ким билмайди. Ҳеч ким билмаган нарсани биз ҳам билмаймиз. Вассалом.